

Int al vent di sogn (Nel vento dei sogni)

di Mauro Caneparo

Ievan fai da gnént i barchi
che giüganda nun fiöi i fasévan:
‘na scorsa da nus taia par la lunga a
metà
un toch da curtecia, un po’ sagumà,
dü bastunin piantà là in tra mess
cun veli e banderi da carta, culurà a
matita.
Pö ia metevan int la curent mola
dla rugia ch’la cureva dré dla cà
‘na quai volta dent int l’acqua dal fiüm
che int un mument a ià portava luntan
sensa dan al temp da curagh drera...

...alura i restavan numà i sogn...
dal fiüm fin giò... fin giò vers al mar.

E cume int i cuntùli püssè bèli
‘ndua al babi, basà da’na bela fiuléta,
as trasformava int un bèl princip cilest,
cusì cul tuchet da legn, basà ‘d l’acqua
dal mar,
al diventava ‘na gran bèla naf piena ad
véli...

...e al naviga ancùra al “veliero” dla
giuentü
int una quai part di mar da stu mund
cunt i veli pieni dal vent di nostar sogn...